



Uunga siunnersuut: Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaata allanngortinnissaa pillugu Inatsisartut inatsisaat (Atuisarnerup erseqqissaaffiginera)

(Ineqarnermut Attaveqaasersuutinullu Naalackersuisoq)

Siullermeerneqarnera

Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaata allanngortinnissaa pillugu Inatsisartut inatsisaattut siunnersuut, atuisarnerup erseqqissaaffigineqarnera Naalackersuisut sinnerlugit Ineqarnermut Attaveqaasersuutinullu Naalackersuisup saqqummiussaanut imatut Naleqqamiit oqaaseqaateqassaaagut.

Naalackersuisut sinnerlugit Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaata allanngortinneqarnera pillugu Inatsisartut inatsisissaatut siunnersuut saqqummiussaani allannguutissatut siunnersuummi inissiaq tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat naapertorlugu taarsigassarsititsinikkut tunniunneqartoq, taamaallaat piginnittumit taassumalu inoqutigiiivinit imaluunniit attartortoqarpat attartortunit atorneqarsinnaanera erseqqissarneqarpoq.

Inissiamik piginnittoq taassumalu inoqutai imaluunniit attartortoqarpat attartortoq inissiamit inuussutissarsiummik annikitsuinnarmik ingerlatsisinnaaneranik piumasaqaatitalersorlugu inatsit saqqummiunneqartoq imaqarpoq, tamannalu isorliunerusuni najugaqartunut ilaatigut killilersuissussaanera Naleqqamiit eqqarsarnartoqartipparput taamaammallu ataatsimiititaliami nalilersorluarneqarnissaa sakkortuumik kaammattuutigerusupparput, maannakkummi inatsisissatut siunnersuummi Kommuneqarfik Sermersooq-mi saqqummiussami oqariartuutit kisimik aallaavigalguit inissittoqarsinnaangimmat Naleqqammit kaammattuutigisarput anngupparput.

Tapersiissutitalimmik inissialiortitsernermut taarsigassarsititsisarneq pillugu tassalu BSU imaluunniit boligstøtte-mut attartortitsisartoqarnerani piumasaqaat inigisaq inigisaannarmut atorneqartarnissaa ammanunerusinnaanera kaammaatuutigaarput.



Taamatullu inissiaqarnermut suliaasaqarfimmi aningaasalersuisarnermut aqqissuussinerup nalilersuiffiginerani utoqqaat najugarisaannut taamatullu siusinaarluni pisartagallit inigisaanut nutarterinissamut atorniarsinnaaneri nalilersorneqarsimaneri aallaavigalugit piumasagaatit qaffasipallaamik atuisunullu inornarpallaartarneri attartorsinnaanermut piumasagaatit qaffasippallaaneri peqquutigalugit aningaasaliissutit atorneqartannginneri pitsaanersumik aqutissiorneqarnissaat ilanngullugu sakkortuumik kaammattuutigerusupparput, ilanngullugu aqutissioartariaqartoq qulakkeerlugulu isumaqarpugut. Ilami ilumoorsinnaanngilaq ukiut tamaasa aningaasaliissutaasartut 10 mio. kr. atorneqartaratik ukiorpassuit uninngaannartarput atorneqartarallatillu.

BSU-ni najugartunut atuisarnerup erseqqissarnera pillugu inissianut tapiissuteqartarnermut taarsigassarsarneq pillugu Inatsisartut inatsisaanni nr. 40, 28. November 2019-imeersumi §28 imm. 1 nr. 5 oqaasertaliussaq taamatullu allannguutip aappaa §2 atuutilerfissaa saqqumiunneqartut taamatullu immi 2-mi kingumoortumik inatsisip atuutilernissaa saqqummiunneqarpoq aammalu imm 3 siusinnerusukkut inatsisaasimasut siornatigut tunniuneqartut 1. Januar 2025-imi inatsip atuutilernerani ilaatinneqarneri ersarissarneqarpoq.

Inatsisissamut allannguutissatut siunnersuutit saqqummiunneqartut eqqarsaatigalugit aaqqiinimininnguit eqqarsaatigalugit kisianni atuisunut annertusinnaanerat eqqarsaatigineqarsimannngimmat Naleqqamiit uggoreqaarput ilami ilumoorsinnaanngilaq isorliunerusuni inuussutissarsiorfittut illuutigisat nammineq akilersukkat inuussutissarsiorfigisinnajunnaarlugit killilersussasut ilami inuit nunap inui aningaasarsiorneveersaartillugit inissittuarnerit akuersaaginnarneqartarnerat akuerineqarsinnaanngilaq, taamaattoqarsinnaanngilaq killilersuinerit ingerlanneqartut annertuallaarujussuaqaat kiisa inuit attartorsimasut nammineq illugisaminni akilersukkaminni kiisa aamma aningaasarsiorsinnanerat mattussorneqalerput, taamaattoqarsinnaanngilaq nunap inui nammineq inuuniarlutik periarfissarsioartarnissaat pisortat killilersorunnaarniarlissuk. Inuit tamarnik piitsooqatigiinnissaanik politikkeqarneq qimanneqartariaqarpoq inuit nammisorsinnaanerat annertusartariaqarluinnarpoq annikillisarlugu aporfilersoqinagu.



Taamatut inatsisit atuutereertumut ersarissaallunilu aaqqiinermi imaqartumut siunnersuummut saqqummiunneqartumut oqaaseqaateqarluta oqaaseqaatigut ilanngullugit nalilersuisoqarluarnissaa kissaatigalutigu ataatsimiititaliami nalilersuilluartoqarluni suliarineqarnissaa Naleqqammit innersuussutigaarput